



耐冷譚卷十二

大邑門前

仁和宋咸熙亦名



嘉興蔣浩華隱定

張哲民云海鹽自有科目以來未有狀頭國朝

康熙己未詞科少宰彭公孫適為五十人之冠

俗以狀頭目之然非正科也今道光六年丙戌

會試朱朶山昌頤以十二名中式竟獲大魁一

日予過古歡樓朗山出朶山舊過南郵庭梅初

放詩有莫道此梅寒澈骨纔開便占百花先之

耐冷譚卷十二

句蓋其胸次早具魁天下氣象予謂宋王沂公

未遇時曾投呂文穆早梅詩而今未問和羹事

且向百花頭上開文穆謂此生次第安排作狀

元宰相矣又困學記問載梁文靖克家梅花詩

云九鼎燮調終有待百花羞澁敢言芳用王沂

公之意亦魁天下言為心聲信哉

朶山殿撰為吾友小珊廣文之兄子廣文嘗謂能

大吾門者當在此子故其受業於叔教督獨嚴

今朶山大魁天下廣文已不及見可傷也朶山



詩有盛氣以舉之。不假思索。援筆立成。具徵才  
福之深厚。頃奉諱南歸。見其題沈夢花遺墨云。  
生夢花死夢星。大夢一瞬。何時醒。電光石火不  
可駐。曇雲變幻呈杳冥。華胥之樂樂何限。遽遽  
栩栩形無形。智慧前生有夙果。學書學畫通神  
靈。軟紅十丈飛不到。凝碧手榜嵌瓏玲。琪樹瑤  
花植左右。哀蟬一闋青山青。瓊樓縹渺半天際。  
巫陽披髮招帝廷。手把芙蓉朝玉闕。誰爲游侶  
石與丁。下顧塵世啞其笑。媽紅姹紫空娉婷。乃  
知因緣翰墨皆陳跡。遺縑斷幅嗟飄零。春來花  
事年年發。巢痕回首驚浮萍。詩成君應入吾夢。  
西窗一枕風泠泠。

畢晴瀾

端

從予游。予既讀其尊人摘菴丈詩矣。今

復以其族兄春帆詩見示。春帆名

灝

居石人涇

上。初未嘗爲詩。自摘菴丈教之學。遂工吟咏。惜

有作任其散棄。勘箸之稿。其息影廬詩存半從

故紙中輯錄之。吉光片羽。彌足貴已。秋柳云。颯

颯涼風裏。微黃帶晚煙。蕭蕭斜月下。疎影宿寒

蟬攜酒難畱客。尋歌何處船。莫教愁冷落。春色待新年。九日懷友云。籬菊初黃柿葉稀。登高遙望白雲飛。異鄉知是秋寒早。恐有清霜上客衣。送春和作云。欲畱無計縮長條。簾外殘紅滿地飄。一日東風三日雨。春光都向醉中消。秋日晚歸云。客裏逢秋意更閒。遙天雨過日銜山。前郵訪友歸來晚。獨立衡門看鳥還。曝書亭云。太史名園跡尚存。輶軒到此費綢繆。經營重闢栽花地。吟眺還開舊酒樓。一代文章遺著述。百年池

耐冷譚卷十二

三

館見風流。亭前無復書堪曝。零落人間不易收。亭久傾圮嘉慶丁巳經學使阮芸臺先生重葺錄其詩知畢氏之多才。

特以僻處鄉隅。不求聞達。未能名播四方。爲可憫歎。其子面山槐。爲邑增生。亦工詩。以館于遠

方弗克常見。

石門朱香一廣文

翰

昔在處州與之同官。植品端

方。明鑒理尤精。青烏之術。著有疏臺集。詩學宋

人。卻無軟滑之習。同林司馬沈參軍送客至谿

西云。送客板橋西。平明雞亂鳴。露濃林葉重。風



急浪花齊曠。埜晴鳩喚。高岡老馬嘶。恍同遊蜀  
道路窄。古藤低。贈麗水司訓沈劔知云。磊落一  
者英。高談四座驚。山空風自急。人老氣斯平。好  
古除皮相。謀生仍舌耕。怡然疏水樂。不肯盜虛  
名。遊三岩寺云。三岩古寺岫中藏。峭壁圍環作  
外牆。一道飛流晴亦雨。數間石屋夏生涼。猿爭  
拱揖如迎客。花不知名別有香。贏得閒官無箇  
事。汲泉煮茗過斜陽。

嘉興沈蟾客

攀柱

亡友秋塘廣文子也。廣文亦屬

耐冷譚卷十二

四

處州同官當日賭酒絃詩風流跌宕今憶之都  
如隔世矣。蟾客性好善。前年勸募數千金。修築  
石門至平望一百餘里斷岸。先是永新一帶十  
二年中。淹斃六十二人。修築後有老漁夜泊蘆  
渚間。聞鬼語曰。此塘今成坦途。復蒙諸善士延  
僧超度。我輩俱可託生矣。秋塘有紀事詩。今錄  
其二。以爲好善者勸。纔過前程又後程。褰衣涉  
水且行行。可憐淡月黃昏後。多少含冤鬼哭聲。

羊腸一綫路依稀。足踏層冰膽欲飛。累我清

貧賢太守關心民瘼典朝衣郡尊羅公捐廉借

勝國時有邱惟屏者官至參將鼎革後遁跡邵灣

山中灌園種菜手自擔糞或謂公臭乎公曰世

間儘有臭於此者公海鹽人吳丈榕園爲作擔

糞詩云偏成野趣不成忙一任行人辟道旁桑

土待滋濃蔭綠菜畦先布散金黃笑他敝帚隨

牛後老我閒窗訂鹿場儘有世間臭於此尙畱

佳話在吾鄉丈早歲能詩研究經史之學其鴛

鴦湖晚泊云青陽湖水生雨霽收宿霧東風知

耐冷譚卷十二

五

我來已綠芳洲樹儻魚躍清漣倉庚鳴古渡覽

茲物候新頗得春遊趣野店起炊烟夕陽在沙

路離家未云遠永晝條已暮泛泛隨白鷗浮生

於此悟水宿誰與鄰漁翁慰情素七夕云離家

事行役日暮尙孤舟一夕西風起蕭然江上秋

斷雲荒驛樹落月故鄉樓遙夜看牛女應添思

婦愁蓋丁酉戊戌年所作也其精于詩律已如

此

錢塘陳穀水孝廉希濂與僕少時會同文社每一



藝出必勝其曹。詩亦超然出塵表。鄉薦後傲居  
京師之懶眠。衎衎數載不歸音。問遂絕。子罷官。  
聞孝廉爲之代。喜甚。不意語係訛傳。而君且於  
前二年死矣。篋中塵存所寄詩數篇。亟檢錄之。  
彭城道中云。驅馬彭城路。蒼茫暮靄中。尊前名  
士酒。臺上大王風。古堠催征騎。荒墟落塞鴻。欲  
尋楚漢跡。憑弔惜匆匆。夏朗齋至寓云。風色變  
林麓。俄驚寒氣深。枯蟬戀高柳。暮雨碎秋心。良  
友偶相過。薄醪時一斟。此中堪樂志。相與豁胸

耐冷譚卷十二

六

襟。擬古別離云。孤雁哀秋宵。思婦驚春曉。春曉  
流鶯嘯。殘夢猶未了。憶昔良宴會。歡樂永爲好。  
形影恨相違。何況千里道。灼灼桃李花。紅顏自  
夭姣。依依楊柳枝。青條亦嫵裊。園林有餘景。祇  
合憂心擣。思爲風中絮。飛入君懷抱。孝廉七律  
極佳。僕最愛其得好月看如對。友偶高枕臥。當  
還家。二語餘惜不能記矣。

石門譚友蘭

有洞

早歲食餼喜吟咏。曾與少峯諸

名流。結今兩詩社。就正吳丈岱芝。不數年風流

雲散矣。今友蘭由袁江以其芾葉郵莊吟稿寄  
眎。并爲于詩細細摘疵。真直友也。錄其詩爲之  
牽懷不置。沈艮山過訪云。地僻人蹤少。門閉雀  
可羅。好風吹客至。幽逕抱琴過。促坐神偏淡。論  
文話正多。那堪情未了。斜日照庭柯。雉子斑云  
雉子斑。羽翩翩。繡頂朱冠五色鮮。十步飲兮五  
步啄。保身自謂計已全。終日弄影臨水邊。豈知  
網羅設野田。謾云身爲文章誤。抑思未惜文章  
故。鳳凰翱翔千仞。岡雲儀幾見。弋人慕浦西山

耐冷譚卷十二

七

見過云。清晨疎雨歇。一逕長莓苔。野鵲當簷噪。  
詩人踏屐來。縱談皆妙理。鑿俗見高才。咫尺衡  
茅近。何妨待月回。九日對菊云。流光等白駒。世  
事同蒼狗。落葉滿空林。忽忽又重九。籬邊菊已  
黃。宜酌尊中酒。移酒坐花前。流連渾忘久。人生  
行樂耳。莫將良辰負良辰。一虛擲。轉盼非吾有。  
昨者少年人。今茲成老醜。可憐白楊風。日暮鬼  
磷走。

杭城親串某。有婢名秋蘭。温州人。年十五。主人欲



汚之對以爲妾則惟命苟且斷不能也強逼之  
以刀自刎於厨時周夢溪官館其家紀之以詩  
僅記其一聯云其初猶以甘言誘繼乃淫凶無  
不有明知殊死等鴻毛肯以潔身喂虎口此乾  
隆癸丑秋間事。

明周介生

鍾

以翰林從賊世傳其爲賊作賀表指  
斥明帝儒者無不痛詈近閱吳梅村詩話云介  
生以陷賊汚僞命自投南歸南中誣其賀賊表  
有堯舜湯武等語論斬西市其實乃張麟然陝

耐冷譚卷十二

八

西賀表非介生筆也麟然庚辰進士以西安知  
府降賊曾以語人曰僞爲此語不意爲政府皇  
上所見賞又自請循宮中手棄太廟神主於外  
其死也叩頭流血口稱皇上臣賅萬死蓋爲天  
所誅云介生以文章負海內重望不能殉節死  
固其罪獨爲鄙人所殺誣以大逆則冤甚矣雲  
間李雯親見其事曾有詩哭之曰亂世身名可  
自由恨君不及鄭虔州劇秦新論誰曾學月旦  
家評總世讐介生有兄曰鏞字仲馭亦負重名

相忌積不能平。聞此言卽仲馭文致後竟以他  
獄與介生同死。家評蓋指此也。子囚以二詩書  
其後云立身一敗如瓦裂始信下流不可居。縱  
有家評原自取陶庵兄弟竟何如。一代文章  
足楷模。向爲名節不相符。美新亦有生疑者。誰  
洗揚雲千古詠。

甲寅至戊午陳白雲斌館於吾家。其友吳蘅臯應

奎瑞榜蔡香慧熊飛徐雪廬潯王惕庵常常常來

訪。予因得與之訂交。蘅臯於書無所不讀。著述

耐冷譚卷十二

九

甚多而尤長于詩。香慧工詩古文。雪廬兼工駢  
體。惕庵詩文稍遜諸子而熟於史事。論辨觥觥  
先府君呼之爲齋中四傑。每來必就宿。漏將  
盡猶劇談不休。二十年來白雲以哭母死。蘅臯  
惕庵以窮餓死。雪廬久滯海上不得歸。惟香慧  
有子迎養官署。安樂數年矣。陳徐吳三子之詩  
文俱有刻本。香慧已有力。其著作亦不久當行  
世。惟惕庵身後無子。又居深山中。未能訪求。恐  
不免散佚矣。曾與之同作吳興雜詩。尙存篋衍。



檢之又祇得一首。歎惋曷勝。煙波戶戶畫樓低。  
艇子朝朝泊岸齊。蓼葉蘋花人上下。水清山遠  
郭東西。世平客唱湖州樂。吏治廳多太守題。畦  
稻桑田無海鹵。昔年薄賦紀塗泥。

柞溪沈兩舟司馬鎮好善樂施不許人知性嗜蘭

遍購名種繪友蘭圖以寄意閨秀孔樹香昭蕙

題詩云謝傅庭前種羅含宅裏栽考槃如在谷

至性託循陔風細簾初卷茶香客正來幽芳繁

品類按譜紀清才樹香適禾中朱氏教子九山

耐冷譚卷十二

十

登賢書早成名士

桐鄉孫浴沂德中吾友康南秀才鎔之尊人也生

有夙慧能文章尤工吟咏早歲遊庠受知於舒

雲亭明府聲譽日隆鄉試屢薦不售遂絕意進

取著作益富晚歲客桐江山水粹發行篋沒水

中稿亦散失所存晴雲小草僅什之一耳桐廬

云縣小無城郭人家俯渚濱四圍山作障半面

水爲鄰斜日下紅樹野煙生白蘋桐君棲隱地

畢竟少黃塵春江竹枝詞云風輕颿穩去如飛

夫婦舟中笑語微。覺得錢塘江上客。教兒今夜  
不須啼。船孃日夜駕輕航。才到中年鬢已霜。  
自訴十三船上住。一生不著嫁衣裳。中秋夜步  
江上云。明月破。羈愁何須秉燭遊。更闌人語少。  
院密犬聲稠。碧樹起寒色。青山生早秋。支筇乘  
薄醉。江上任勾留。中秋泛月南湖云。湖雨湖煙  
一望收。閒憑小艇任勾留。經年作客忘佳節。衰  
鬢依人感暮秋。菱葉波澄明去雁。蓼花風細狎  
輕鷗。漁歌聽罷歸。燒晚待月鈎。簾水上樓。歲暮

耐冷譚卷十二

十一

有感云。旅人皆寂寞。誰復肯相憐。卒歲時將近。  
魚鄉夢又牽。一鐙閒古劍。半榻老寒氈。好作歸  
與計。春江喚渡船。

以議論運化故實。唐李義山始導先路。予謂阮亭  
姑蘇懷古三首。可與馬嵬籌筆爭長。惜末首結  
句傷心。更有南陽宰不獨寒潮泣子胥。胥字誤  
叶入七虞。蓋偶然失檢。然二語甚佳。竟不能改。  
詩人興到。縱筆爲之。往往不能無誤。惟賴同時友  
朋及後之校刻者。細細摘疵。立時改定。則受直



友之益不少矣。阮亭先生苦寒行一篇，通首祇用支微齊灰韻，中間鳴梟鳴枯楊，豺虎交路衢，忽雜入七虞，當日名家林立，不知何以竟無人指出。

道光癸未，淫霖爲災，低區皆成巨浸，而吳中松陵爲尤甚。浮棺之慘，倍于他邑。鹿城徐萍客

鑑懷

慨勸募，悉力收撈，買阡營瘞，率皆親督其事。葬以萬計，復鳴於大憲，嚴禁奸匪，永絕阻葬之風。誠數十年來善舉也。其乙酉春日盛川道中掩埋紀事詩云：微風細雨獨登樓，煙樹蒼茫望裏收。可惜清明好時節，客中岑寂易生愁。路繞

耐吟譚卷十二

三

王江涇市東，石梁高駕指長虹。停舟瞥覩隄邊骨，荆棘叢中若亂蓬。生不同時葬共邱，那分貴賤與剛柔。檢藏不覺添惆悵，他日誰將我骨收。頓首河干默禱酬，夜臺從此好歸休。紙錢一陌休嫌薄，諒我窮途行橐羞。

吳思亭參軍

修

榕園弟也。善鑑古生平足跡半天

下。所到必有詩。詩已四五刻，最後有吉祥居存。

稿蓋十餘年來登臨感舊之作也。而詩愈入老境矣。已巳冬日。都門喜晤查南廬茂才云。一別驚看已白頭。故園還爲話前遊。斷橋明月西湖夜。高閣松風澈墅秋。老更容懷增慨慷。詩應奇氣挾幽幽。酒腸能否寬如昔。燕市先拚鬪十甌。滕縣云。小縣東風草木春。客車行處見民淳。到來便憶檀園句。不見花開白似銀。江上寓樓云。夜來渾不寐。開牖起三更。林暗兼江失。雲忙擁月行。炎風醒薄釀。戍鼓聽高城。屋角松壽沸。晴還作雨聲。蘆墟訪吳處士鵬不值。處士業縫衣。以自給。工詩云。秋水漲橫塘。落葉無行迹。何處訪伊人。一片蘆花白。

耐冷譚卷十二

三

石門費北亭朝樞自幼工詩。年十四入泮。卽與沈雲椒。暨諸名士唱酬。同人皆推爲大敵。惜年未弱冠而卒。篋中曾藏其惜陰齋吟箋一紙。有秋晚雜興四首。錄其二云。箕南斗北火西流。萬事蕭森望裏收。數點碧峯三徑晚。半邨黃葉幾家秋。稻田繡錯停游屐。水國寒輕送別舟。况是夜



關添爽氣。清風明月入高樓。淺渚澄清波不  
興。雲峯倒影碧層層。官橋柳臥三叉路。別院烏  
啼午夜燈。行藥未妨招野鶴。題詩卻喜遇閒僧。  
豆花雨過涼天暮。憶着幽人曲檻凭。

嘉興戴松門明經

光會

學極淹博。尤長於鑑古。其

從好齋集。存詩百餘篇。大半皆途中佇興之作。  
自西安登陸輿中得句呈邵學使云。行客先鳥  
起。僮僕有寒色。崎嶇望仙霞。犖确尚姑蔑。不卽  
車馬勞。那知舟楫逸。初日光始升。霜月寒未沒。

耐冷譚卷十二

十四

照見饑驅人。擾擾事行役。生平未歷境。遇日卽  
新得。閩中山水佳。飽我泉石癖。忽覩嶺上樵。疏  
花逗消息。喜與春風遣便思。坐終日南潯泊舟。  
題僧壁云。偶來潯水一維舟。閒話僧房片刻留。  
佛火長青苔草綠。有人吟到寺門秋。謁孫太初  
墓云。先生雖已矣。埋骨不埋名。半碣雲常護。萬  
山秋月明。挂瓢聊一息。與鶴共三生。珍重舊詩  
卷。乾坤得氣清。

明經嘗謂子曰。吾鄉自竹垞太史後。復有穀原籜

石諸先生爲之提唱。近之詩人俱當歛手。雖吟咏之事。吾人不廢。然不可以此矜詡。至欲刻以炫世。則不知量矣。嘗偕先府君超山探梅。得四絕句云。尋梅有約訪詩人。人與梅花作比鄰。吟遍空山三百樹。不知誰是此花身。老幹應憐太瘦生。著花雖少卻多情。嫩寒春曉香如許。只恐華光寫未成。亂插繁花雪滿山。應知香在有無間。笑余腰腳從來健。直向峯頭踏雪還。好山回首隔烟霞。輸與疎籬野老家。多少詩情拋不得。媿無佳句荅梅花。四詩集中不載。知其散失多矣。

耐冷譚卷十二

五

曩偕陳古華太守在海昌州。扃門校試。太守於席間出對云。山外山。光半夕。陽僕應之曰。雲間雲影皆春水。太守雲間人。故爲是言。實不能再換也。因憶元史。脫脫將赴三河。陸辭元主錫之。宴至夜分。起曰。臣明日早行矣。半醉半醒。過半夜。元主笑曰。卿明日行亦不必早。三更三點到。



三。河真乃一時佳話。

金山姚友硯明府

念會

子友蘇卿之尊人也。幼承

家學。迨宦遊楚北。仍不廢吟咏。罷官時年未三

十也。厥後櫪帖證碑。不問家人生產。好蓄硯。故

以友硯自號。居官多惠問。楚中人至今能誦之。

著有賜墨齋詩。舟行卽目云。綠野雲低郵樹平。

清溪宛轉趁潮行。香泥驚墮燕飛去。柳外一聲

柔艣鳴。薄靄霏霏養嫩晴。碧羅新漲染初成。

菜花黃到無垠處。襯得遙山晚翠明。風雨舟中

耐冷譚卷十二

七

作云。榜人寒透短蓑衣。蘆荻叢深怨路歧。雲重

壓山雙雁落。風高劈岸一角欹。柔橈細膩冰花

碎。險語狂衝酒力奇。依約小邨漁笛晚。不堪客

思正離披。初至鄖縣視獄云。不見青青草。煩冤

到處呼銀鑄。吾自慎凍餒。爾無虞。余親驗桎梏並捐給衣糧

藥。每念人爭棄。終憐骨未枯。夜深窺案牘。猶恐

滯非辜。夜泊采石磯。云。夜江不生湍。挂颿如臥

席。回颿落蒼翠。推篷見采石。繫舟傍古槎。重林

隱寒碧。仰瞻秋宇澄。一掃氛埃積。衆星不爭光。

初月已生。魄忽作懸水。明復能穿林。白風月相  
嬉娛。江山同媿嬾。幾年荆楚遊。見山逾千百。每  
見輒移情。煙霞登真癖。冥鴻不知饑。腐鼠空相  
嚇。津途本無涯。衰老良可惜。何日餌丹砂。遂展  
憑虛翮。悵望謫仙人。浩歌終永夕。

桐城姚姬傳先生

鳳

嘗謂予曰。聖人之學。至一化

字而極。孟子曰。化而不可知之之謂神。其於文  
也亦然。古來學國策者。何嘗竟似國策。學史記  
者。何嘗竟似史記。方望溪之文學。歸震川。何嘗

耐吟譚卷十二

十七

竟似震川。蓋化之也不化。不足以超凡入聖也。  
先生古文。如涉黃河。如登泰岱。無津涯谿徑。可  
循。詩亦幾於化境。其題吳思亭西湖買月圖云。  
月出吳山外。人歸夜郭時。寒鐘昭慶寺。疎樹岳  
王祠。載酒聊孤往。攜船任所之。披君三尺畫。深  
我八年思。

桐鄉沈白山

宗德

居石人涇上。耽吟事。與同里徐

春郊。陸芥庵。諸名士遊。詣益進。後其子鏡香死。  
遂輟不復作。旋鬱鬱成疾卒。鏡香以名諸生。抱



才不祿。無怪白山之不能釋然也。白山有靈蘭  
僊館詩存。身後嗣子薊浦輯之。將與鏡香遺稿  
合刻。然已屬吉光片羽矣。寄春帆云。聞君竭已  
卸行裝。歷盡江南幾夕陽。鴻雁蹤孤歸有信。鱸  
魚秋老客思鄉。雲深遠樹迷牛渚。帆落寒潮過  
馬當。它日重逢拚一醉。尊前先理舊詩囊。喜友  
人自江南歸云。潦倒天涯志可哀。秋風時節賦  
歸來。一囊莫道輕如許。分得虞山七子才。記  
曾折柳送征驂。樓指年華已過三。坐對小窗秋

耐吟譚卷十二

十八

意澹。一天涼。雨話江南。招張六遊爰山云。繁霜  
布郊甸。紅染楓林足。夕陽耀爛漫。洩晚豁遙矚。  
緬想同心人。何以慰中曲。靈運喜陟山。獻之厭  
談俗。挾我琴。朱絃開我甕。綠玉聯袂發高歌。策  
杖縱芳躅。斯遊豈徒然。古人尚秉燭。况無金石  
固安得。甘跼伏。

鏡香名鑑

沒時才弱冠詩皆二十歲以前作。予謂

如新鶯出谷。其聲自然諧美。聽者怡情。非虛語  
也。秋煙次韻云。蒼茫渾不辨朝昏。繞遍秋原黃

栗。邨。孤。客。尋。詩。衝。蠟。屐。幾。家。炊。飯。認。柴。門。山。光  
隱。約。兼。雲。氣。樹。影。橫。糊。帶。雨。痕。向。晚。涼。陰。溪。上  
且。合。鷺。絲。飛。破。蓼。花。根。遊。陳。氏。安。瀾。園。云。相。公。攜  
杖。處。臺。榭。久。飄。零。鳥。語。分。林。弄。山。光。隔。水。青。小  
庭。生。菜。甲。老。僕。當。園。了。欲。問。滄。桑。事。風。搖。殿。角  
鈴。紅。塵。飛。不。到。徑。曲。路。難。分。富。貴。開。花。草。人  
家。舊。水。雲。風。聲。動。微。籟。林。影。澹。餘。曛。一。片。殘。碑  
立。摩。挲。蘚。石。文。讀。補。衡。傳。云。管。寧。龍。潛。左。慈。羊  
君。何。曳。裾。尸。樞。傍。懷。刺。不。投。薦。表。上。融。非。知。已

耐冷譚卷十二

九

君。非。狂。當。途。袞。袞。輔。寡。逆。下。此。監。廚。兼。弔。喪。孔  
揚。大。小。總。兒。輩。何。况。紛。紛。屠。沽。場。衣。冠。不。屑。沐  
猴。伍。宜。公。裸。體。摻。漁。陽。勺。兒。鋤。蘭。亦。假。手。黃。祖  
無。識。殲。厥。良。鸚。鵡。一。賦。竟。絕。筆。乃。合。應。劉。稱。文  
章。吁。嗟。乎。英。雄。落。魄。不。如。死。亂。世。何。能。容。才。子  
漢。陽。坏。土。草。萋。萋。銅。仙。淚。溢。漳。河。水。

月上吾杭厲樊榭先生姬也烏程朱氏女先生悼  
亡姬序云姬人鍼管之外喜近筆硯從予授唐  
八絕句二百餘篇背誦皆上口頗識其意每當



幽憂無俚命。姪人緩聲尋。諷未嘗不如。吹竹彈  
絲之悅耳也。年二十四而卒。亡友周松泉曾贈  
子月上所畫紅梅一幅。自題詩云。一枝紅綻傍  
牆陰。疑是絳衣仙子臨。莫說桃花偏命薄。多緣  
霜雪未能禁。寄託遙深悼亡詩。所謂捫管自稱  
詩弟子者。洵不愧也。月上墓在西溪兼葭里。昔  
年曾借蔣蔣郵輩修之。今不知尙無恙否。

曩讀養石齋詩有戴儀部文燈齋飲沈存周錫斗  
歌中云。只如此斗方口酌酒多。環鑄杜甫飲中

耐冷潭卷十二

三

八仙歌。又云。欵記康熙歲戊戌。是時僕齡纔十  
一。搯翁去製器時。僅六七十年。已寶重如此。今

愈少矣。近見桐鄉時靈蘭上舍鏞藏一斗。蓋存

周自製詩。鑄于斗。勿以祝竹垞太史壽者中鑄

隸書酌以大斗。以祈黃耆八字。詩云。涼州莫漫

誇葡萄。中山枉詫松爲醪。仙人自釀真一酒。洞

庭春色嗟徒勞。瓊漿滴盡生荔支。玉露瀉入黃

金卮。一盃入口壽千歲。安用火棗并交梨。不願

青州覓從事。不願步兵爲校尉。但令喚鶴與呼

鷺。日。日。從。君。花。下。醉。元。明。以。來。如。朱。碧。山。之。銀。槎。張。鳴。岐。之。銅。鑪。黃。元。吉。之。錫。壺。皆。勒。工。名。以。垂。後。世。不。聞。其。能。詩。也。若。存。周。者。尤。不。可。及。矣。存。周。字。鷺。巖。居。嘉。興。之。春。波。橋。

靈。蘭。性。嗜。茶。嘗。謂。月。令。造。酒。曰。陶。器。必。良。况。茶。爲。清。品。耶。爰。自。前。明。逸。公。供。春。其。家。少。山。及。本。

朝。陳。鶴。邨。諸。名。手。所。作。搜。羅。至。數。十。器。命。其。子。芳。谷。茂。才。作。詩。記。之。今。不。備。採。錄。其。最。精。者。四。首。使。它。日。與。器。並。傳。亦。藝。林。佳。話。也。魏。車。何。事。

耐冷潭卷十二

見。流。涎。別。有。名。茶。結。淨。綠。讓。卻。吳。翁。工。著。錄。花。

晨。月。夕。共。周。旋。海。昌。吳。菟。牀。明。經。著。有。楊。羨。名。陶。錄。瓜。實。攜。來。

黃。葉。莊。壺。似。瓜。形。乃。黃。葉。老。人。贈。金。岑。山。者。一。盃。入。口。勝。瓊。漿。詞。

人。落。落。成。千。古。誰。寫。新。詩。寄。夜。航。旁。鑄。陽。坡。日。暖。分。茶。種。桑。

芋。題。詩。寄。離。離。仙。果。綴。盈。盈。盃。似。蓮。房。旁。復。綴。以。諸。果。曾。

夜。航。句。向。搖。池。屢。問。津。劇。愛。四。時。春。不。斷。從。今。肺。腑。也。

生。春。銘。曰。采。采。瑤。池。有。羨。其。果。收。四。時。春。歸。之。肺。腑。白。沙。品。更。勝。丹。

沙。皎。潔。無。瑕。信。足。誇。一。勺。石。泉。清。可。煮。邀。朋。頻。

試。火。前。茶。芳。谷。名。繼。善。年。少。工。詩。出。予。門。下。惜。



近以遊幕金陵。未能常聚也。

癸未小重陽。雲嵐司馬招同人。雪香書舍賞菊。司馬首爲之唱。和者十七人。其香字韻之最佳者。如曹學坡云。蟹肥十月酒初熟。蝶瘦一分花尙香。吳棣岑云。邀來舊雨兼今雨。撲去花香雜酒香。霜字韻之最佳者。如曹六橋云。傲骨瘦隣三徑。月秋心澹寫一籬。霜徐壽魚云。訪三徑歸巾墊。雨待重陽過瓦團。霜曉滄之子嘉叔云。花好澹於名下。土客來清挹酒邊。香室生虛白庭邀。

耐冷譚卷十二

三

月葉墮微紅。樹染霜。時嘉叔年僅舞勺。詩雖薄。而能清而不佻。真可造之才也。越明年其次子夢花病。旋至不起。此會寂然矣。

馬晴湖

澹

古芸之猶子。能畫。精於音律。詩才敏妙。

可與古芸相埒。著有春星帶草堂稿。縐雲石爲容海兄作云。朝見雲出山。暮見雲歸岫。何年一朵雲。化作仙裙縐。自劉南粵根。久蝕苔花繡。天假瀟灑緣。珍比仇池購。桐谿地半弓。園林新結構。以茲爲主山。高壓羣峯秀。嵌空玉玲瓏。勢若

飛靈鷲。綠波繞。其南照影。轉臞瘦。有時風雨來。  
水氣蒸雲竇。屹然石丈人。樂與伴昏晝。子傲行  
雲銘。我撫岐陽籥。菜花云。薑心一抹淡煙痕。花  
壓芳畦近。篔簹門。桃頰開殘春。入畫鱸魚味。美客  
攜尊。香過寒食剛三月。黃到斜陽第幾郵。最是  
踏青人去好。季鷹詩句細評論。十畝蔬園鑿  
綠陰。高低隨意散如金。此花別占芳菲景。凡卉  
輸他滋味深。挑去每邀名士賞。翦來不羨美人  
簪。老饕畢竟關心甚。閒倚吟筇緩步尋。爲玩山

耐冷譚卷十二

三

楊丈畫扇並題云。春色撩人到筆端。風姿似壓  
玉欄干。銷魂最是江南地。滿架青藤。月一團。



耐冷譚卷十三

仁和宋咸熙小茗謨

桐鄉畢端晴瀾定

孝豐吳竹巢進士子應保少有神童之目四五歲

時余偕陳白雲過訪竹巢先生知其已能詩白

雲以庭前棕櫚樹試之卽矢口曰棕櫚樹如佛

拂髮之長垂於地嘉定李鄒齋方伯稻香吟館

葉中有吳神童詩云神童兩歲餘阿翁抱就案

爾雅讀終篇還能弄柔翰蓋兩歲已能讀爾雅

耐冷譚卷十三

古人之識之無不足多矣

鄒齋方伯少作經生長爲循吏詩其餘事不肯多

作然所著稻香吟館藁中多仁義之言非哆口

談詩者所能及也平湖戴氏二孝女詩云農家

戴秀山兩女有與如父死矢不字撫第十歲孤

夜織兩張機朝耕兩柄鋤風中同拾薪雨中同

摘蔬兩女勝兩男克代母氏劬有肉果弟腹有

緜溫弟膚弟長延厥祀女甘爲之奴哀哉弟再

娶短命影忽徂遺腹幸生男纏襪泣呱呱呱呱

豈無母。呱呱。賴有姑。姑心不忘。父母心忍。負夫室。雖有兩賢。未由化一。愚母老。又終堂。萱杖代弟。扶椎心聲暗吞。洗面淚早枯。頻頻舉四喪。罔廢菑與畚。辛苦卅餘載。姪已能負芻。有年已六十。如亦五十餘。四目不識。丁何論。詩與書。至性本天成。金石不可渝。女貞雖非正文。孝良莫逾。昨輯邑乘稿。衆口交傳。掄今爲賦。此詞以俟。旌其閭。姪壯不報恩。弗及銜鼓烏。陸孝子割股行。中有云。親年修短。自有命兒肉。何由愈母病。然而能人所不能。畢竟過人有至性。葉貞女詩結句云。禮勿周官。泥詩同。姜女旌。休論賢者過。終近聖之清。持論甚正。葉貞女字漕督許公子許子殤。貞女甫十齡。立志守貞。以死誓。父母不得已從之。年二十七而死。亦世所希有也。

秀水王茂才

家英

績學能文。不以貧故廢業。詩尤

精妙。所著冰壑寒林館集。澹川後可以繼起。錢

塘陳明府雲伯謂其五言如梅花石門月。殘雪

鴛湖春。琴書最遙夜。風雪獨歸舟。霜風催驛路。



星月帶秋城。秋晴數峯雨。月色半湖煙。人歸春岸遠。鶴立釣船輕。則張水部賈長江之刻至也。七言如風起江寒潮似雪。天空夜靜月如霜。鐘聲出寺鳥驚樹。月色滿湖人倚樓。鴉歸古木斜陽影。風走空廊落葉聲。客尋山寺趁斜照。鴉識水邨歸晚煙。桮人籬菊自佳色。江寺秋鐘起暮聲。則許丁卯趙渭南之曠逸也。予謂集中佳篇林立。實不止此。姑就明府所賞者錄之。茂才復工鐵筆。善寫蘭竹。所刻鴛湖漁唱詞四卷。又今時之姜白石矣。

耐冷譚卷十三

三

吾鄉胡龍友

辰瞻

隱於市。歌聲時出闌闌中。與孫

補山相國善。相國旣貴。未嘗一干之。先府君

之初入都也。屬以書貽相國。拆緘並無尺牘。祇

有二絕句。詩云。百緡新買臨平屋。祇與君家隔

一塍。知爾定將鄉味憶。門前已熟水紅菱。兩

逢儉歲窘吾鄉。人面都如菜葉黃。秋雨幸堪彌

夏旱。西風吹送稻花香。年八十餘。老病無子相

國隣其貧。致書守土者。令周之。書至而君已死。

因哭以詩云病起寒窗叫斷鴻。悲來怪雨挾盲風。貧當糧盡還畱鶴。吟到秋深竟化蟲。賈志未能圖五岳。無兒難免悵三同。孝章死後書方到。此事終須怨孔融。

德清徐遠坡明經廷釗館予家最久。古道直言友

朋中所鮮。精時義。詩不多作。然乘興偶吟。雖使終日劈牋分韻者。遜其貼妥。知由性情學問中來也。讀學古集云。今人不如古。儼之恐失倫學。古卽爲古。先生斯其人。先生不可作。誦詩見天。

耐冷譚卷十三

四

真。天懷何高曠。著論醇乎醇。源流三百篇。下視漢與秦。有時鳴天籟。大樂布韶鈞。有時發清越。水石聲粼粼。古調誰獨彈。爲此良苦辛。曲高和者寡。律盡回陽春。我至小山堂。恨不見先民。一編反復讀。仰誦如明神。雨過菰城云。一櫂侵晨發。菰城早可望。誰催風雨楫。真入水雲鄉。蕩葉遮危岸。榴花壓短牆。歸應看競渡。佳節近端陽。風船纔離上。簪酒更憶烏程我。醉忘途遠天低。斯午晴雲蒸。山易暗。溪漲水難清。破浪衝風去。



何愁再受驚。其憶梅佳句。如兩行枯樹斜枝好。  
一角離亭暮。色昏酒闌茶罷。三更話。凡淨窗明。  
一卷詩。荒亭可認前題壁。野渡曾思小結廬。待  
客不來空守驛。尋詩無計獨巡簷。不脫不黏一  
昔空几豔。真可入主客圖也。

王以銘

蔚文

錢塘諸生棘闈屢擯。遂絕意進取。一

肆力於詩。予每至故鄉。同好中或有舉其能詩  
者。而未及過訪。今不知尙在否。近閱周小癡客  
杭雜錄。得其所摘兩聯。一云尙平婚嫁終爲累。

耐冷譚卷十三

五

顏子簞瓢未是貧。一云病除斗室脫籠鳥。寒戀  
孤衾在繭蟲。思深筆健乃知人之稱道非虛。而  
以未得早識其人爲恨也。子鳳佐名儻于庠。聞

亦工詩。

昔人以少年科第爲不幸。吾謂人生早慧亦非幸。  
事蓋恃其天資。未能刻苦者有之。且髫髻之日。  
名譽滿前。亦足折福。譬如花早開者。還早謝也。  
是在爲父兄者。教以謙恭培植之使善根不壞。  
庶可養成大器耳。吾友嚴修能元照四歲能作

孽窠書倪米樓

稻孫

五歲能誦論文選長亦學

問甚充卒以偃蹇不偶終于一稔壽亦不永石

門毛可風

大成

幼有神童之日受業于陳梅垞

先生極愛之十三入泮後屢踏棘闈終于不售

年未五十而沒可風不如嚴倪兩君之多述作

而於詩特佳嘗見其錄下自嘲三十絕僅記其

四云贅疣寰宇寄落落竟無因貫得一壺酒難

分片刻春五岳歸方寸孤樓罕結儔往來荆

棘裏得食亦知羞謾說依人苦端因入世難

耐冷譚卷十三

六

挑燈尋昨夢風雨一窗寒有詩消壘塊無藥

補清羸自問甘如此何須更撰著文人命薄不

勝浩歎

石門鄭鐵厓

鼎

亦諸生帖括之暇最喜吟詩不事

彫琢而以自然勝借隨作隨棄不自收拾僅從

詩僧西印案頭見其書齋漫興云計拙何須恥

賤貧默觀時事幾番新酒盃棋局當場夢秋水

春山隔世因到眼業經空色相開窗不復礙心

神鵝鴻得意誰爲伴尙喜羣鷗日夕親

誰道



蓬廬踟寢興。微風過處少青蠅。有門長閉三竿竹。無水恒沈一片冰。說劍偶然招挾客。談詩且喜得高僧。生機但得隨時長。於世何妨百不能。

石門又有陳桐西

孝基

者。本海昌巨族。籍于石邑。

者也。辛酉得選拔。不用而歸。究心風雅。詩宗初。白一派。其答周小癡云。被褐出鄉邑。數載滯客程。樛材棄匠石。莫增親戚榮。歲遠歸來廬。爲人所輕。惟茲髻鬢友。頓覺喜意盈。母老兼子弱。內念常代縈。萍蹤幸旋反。如慰飢渴情。新詩辱投贈。真摯意畢呈。迥與俗見異。宜以癡自名。投瓊李須報。雅什非易賡。飲子一尊酒。永訂歲寒盟。

汪菊友明經

聖清

澹樸弟也。才與乃兄相埒。人比

之二蘇。著有賜書堂集。未能付梓。予已選其詩入桐溪詩述中。今復見其題外舅施映川先生

冰絃感逝圖七古一篇。筆意婉轉。情味深長。讀

之不忍舍。復錄於此。云歌莫作鼓盆聲。歌聲嗚

咽。傷中情。琴莫彈離鷺曲。曲調淒清音斷續。人

生伉儷期百年。此生更結他生緣。我翁六十頭  
未白。誰知兩賦招魂篇。憶昔青春求鳳早。十七  
年中歌靜好。芳庭頰喜長芝蘭。北堂倏已萎。護  
草傷心不願續。鸞膠羣雛唧唧啼。空巢藍橋覓  
遍。裴航杵。鳳閣方諧弄玉簫。玉簫瓊杵慰深意。  
織縑織素兩無忌。共把新人比故人。新人難爲  
故人易。蘋蘩滄澗幾年華。舊雛拂拂新啞啞。但  
見孟光守荆布。不聞閔子泣蘆花。挽鹿丸熊廿  
四載。誰料珠沉玉又碎。撫人弱息俱長成。自有

耐冷譚卷十三

八

嬌兒反棄背。我翁篤愛情最真。此時不語惟傷  
神。可憐孤鸞泣瘦影。可憐別鶴唳清晨。孤鸞別  
鶴不成調。一絃一斷一悲悼。綠綺誰傳宛轉心。  
銀紗繪出淒涼貌。玉貌淒涼倚石牀。桐陰鶴影  
總堪傷。無復梁鴻眉並案。頓看潘岳鬢如霜。冰  
絃零落難再鼓。一琴傍列一琴撫。舊恨頻添栢  
子香。新愁悵斷鴛鴦史。譜新愁。舊恨兩不禁。丹青  
慘淡圖雙琴。題辭恰愧江郎筆。難寫恩情萬種  
深。映川先生係少峯尊人鄉里有善人之目。觀



紀哀詩中所列之物。其性情嗜。好迥異凡流。真高曠士也。

邵康節先生無名公傳云。心無妄。思足無妄。走人無妄。交物無妄。受名言當書諸紳。予當欲葺一軒。署曰四無妄齋。而未果也。

家笠田明府樹穀與同里汪翁耀川善。明府官兩

當縣。緣事被謫。明年沒於戍所。翁出塞負骸骨還鄉。葬於湖上。復爲其子娶。贖舊廬歸焉。翁故貧。人皆目爲義士。先府君有詩存學古集中。

耐冷譚卷十三

九

徐雪廬翰博作義士行云。天下無義士。朋友倫乃絕。朝爲知己。暮寇仇。薄俗紛紛。那可說。汪君意氣何嶙峋。肝膽照人久更真。平生獨與宋君友。如手足不離其身。宋君出宰兩當縣。遣戍新疆。習征戰。全家入口苦飢寒。臨別愁看淚如霰。是時送者滿江沚。君獨旁皇拂衣起。爾親吾親子。吾子有渝此盟如白水。穹廬萬里宋君沒。匹馬西行拾殘骨。馬毛結冰馬蹄熟。往往夜墮流沙窟。生人死友同入關。葬向南屏鬼嗚咽。君行

苦遠家苦貧。謂友未死猶吾存。寸心誓不負泉  
壤。呼以義士。不忍聞。君不見南山有烏尾。畢逋  
梧桐搖落竹實枯。被巢完卵古不保。白頭老鴉  
代哺雛。雛成飛去。會有日。義士之義。今則無。嗚  
呼。義士。今已無。翻雲覆雨。何爲乎。

族曾祖受谷先生。居里中之界河中。歲卽棄諸生  
籍。與金峇老諸前輩。詩酒往來。闢圃曰苟園。黃  
土爲牆。環以梅竹。舍前有池。植荷數百本。今皆  
夷爲平地矣。詩以誠齋放翁爲宗。著有雲深草

耐冷譚卷十三

十

堂集。覓之已不可得。僅餘殘紙數十緡。而又失  
其古體。可慨也已。立春日晴暖特甚。過冷庵見  
紅梅和高青邨韻云。鏞盡溪流無定姿。祇因殘  
臘暗中辭。暖兼秋末冬初際。早動螺青鴨綠思。  
篔簹。觴。緩。移。深。淺。渡。槿。離。攢。簇。兩。三。枝。蒸。霞。一。片  
欺。桃。杏。想。是。迎。春。得。意。時。霜。根。鐵。榦。信。孤。芳。

眩眼偏能改道裝。應比鮮妍勾漏邑。依然瀟灑  
贊公房。稜稜微露當風骨。灩灩輕分帶雪香。綠  
萼幾株猶黯淡。休緣脂粉怨蒼涼。九日獨步溪



南小憩僧舍云。桑徑沿溪轉。瓜陰抱蔓垂。偶因  
側帽過。記是插萸時。青眼逢人少。黃花應候遲。  
登山吾已懶。此亦慰遐思。精舍平橋內。荆扉  
雙樹間。與隨尋菊至。時喜值曾閒。茗草嘗秋芥。  
櫻鞵話舊山。每談奇絕處。令我一開顏。

石門吳書巖

文杰

號儷雲香竺刺史之弟也。少穎

悟。六齡就塾。卽能辨四聲。香竺官粵東。儷雲慕  
羅浮之勝。襪被往遊。而詩境益進。香竺謂其詩  
春容嫺雅。如宮柳三眠。春鶯初囀。不虛也。著有

耐冷潭卷十三

十一

讀易軒遺藁。題少峯竹下鳴琴圖云。願得清閒  
樂。知君靜者心。獨來修竹裏。小坐撫瑤琴。流水  
疎林繞。涼風石磴陰。自然多妙趣。不更覓知音。  
題畫云。深林漠漠幾迴環。中有幽人意自閒。一  
面巒光三面水。垂楊青到隔溪山。

武康陸秋圃

聯奎

以能詩名。雪廬友也。曾客塘西。

寓大善寺時。先府君已歿。僕亦出遊遠方。未

曾錄其詩。深爲悵恨。雪廬懷以詩云。大善寺前

秋葉黃。水南水北盡漁鄉。客遊一事真堪惜。不

見詩人宋茗香

乍浦劉瑞圃

潮

性豪放。廣交遊。築卷勺園。地不過

五畝。饒泉石之勝。名流靡至。觴咏無虛。又作南  
澗訪僧等圖。題者甚衆。因彙刻之。秦小峴司寇  
題卷勺園圖云。石闌點筆夕陽西。一種垂楊剪  
欲齊。春盡坡陀芳草外。落花風裏亂鶯啼。吳穀  
人祭酒題南澗訪僧圖云。南山頂上結茅屋。一  
卷法華經。夜讀白雲來。往護雲林惟見栴檀與  
修竹。君從下界訪維摩。天花飛落風如梭。聽得

耐冷譚卷十三

士

木魚無覓處。澗水潺潺綠浸莎。同里徐春帆題  
秋江載菊圖云。蓼花風冷若耶溪。錦石清江夕  
照低。爭似蕭疎煙柳外。載將秋色過湖西。張荔  
園教授題荷鋤圖云。清疇一帶繞平隄。短短新  
秧出水齊。畫取右丞詩句好。深林煙火朝川西。  
滇南閩秀王玉如題笠澤秋帆圖云。落盡芙蓉  
秋水新。鱉魚風起罷垂綸。叢書好續天隨子。亦  
是江湖一散人。其餘名作如林。不能多錄。瑞圃

子茂榕工詩文有聲巔序



老友程炳堂明經榮號曰春臺襟懷灑脫篤於友

誼。王詩擅畫山水。作擘窠大字。時得海嶽遺意。其題秀芝老人松陰對奕圖云。礪泉流珠。琤岩松蔭窗几。小院靜棋聲。子落清陰。裏勝負狂客爭。吾心淡如水。素鶴共悠然。茶煙颺空起。頗得王韋淡遠之趣。公會司訓石門。此詩在石門時所作。秀芝老人者。精圍碁。縣府志俱有傳。卽是映川先生也。

臨海呂氏。宋文穆公裔也。有一老女甚奇。未婚而

耐冷譚卷十三

十三

夫死。家極貧。誓不再字。屋內有曠地一方。約二畝許。闢之爲田。自耕以食。天旱提甕汲水以灌之。穀實倍茂。終日閉門。爲人織絹。門外過者但聞機聲軋軋而已。僕在台郡日。聞其能作小詩。且工楷法。以扇索書。寫來近作一絕云。一年社日多忘了。忽見庭前燕子飛。禽鳥也知勤作室。銜泥帶得落花歸。歎署呂霜印鈐以墨。時年近五旬。蓋守貞幾三十年矣。

假咏物以寄託。此詩之比興體也。不倒翁么。磨小

題耳入吳梅邨集中見大家手筆近無鈔秦  
偉齋茂才 昌煜 作此題云勸酒筵前似滑稽爭

看兒輩共排擠。憐伊薄命還同紙。笑爾浮生尙  
辱泥。世路豈能無折挫。直躬原不賴提攜。縱教  
顛撲終難破。一醉陶然萬物齊。禪恨不礙是

圓通。叅破當頭一棒中。人世紅塵徒滾滾。乃翁  
妙法自空空。空因緣流水。憑誰了。傀儡登場悟解  
終若問蒲團真解脫。最宜鎮靜守家風。萊衣

戲著舞躑躅。拋擲光陰百歲春。自負老成堪砥

耐冷譚卷十三

十四

杜。何緣俯仰但隨人。世情閱遍多圓轉。軀殼由  
來孰假真。剩有昂藏無傲骨。撚鬚一笑入風塵。

利鎖名纏不受牽。風流跌宕似顛仙。欲揚先  
抑工文戰。因屈求伸悟易詮。天地甚寬胡局踏。  
機緘孰鼓任盤桓。衆人皆醉翁醒否。與世推移  
乃曲全。偉齋爲小峴司寇之孫。綺年績學文藻  
翩翩。真堪繩武也。

古芸舍人和作四首。體物瀏亮。措語溫醇。蓋其蘊

釀尤深也。並錄之。云勞勞最苦作周旋。淺薄皮



囊剩可憐。未慣逢迎。但低首不成隊。伍共摩肩。  
衣冠優孟。嗟卑甚。面目廬山。認儼然。學盡折腰。  
垂手。態助人歡笑。舞當筵。身如木偶。一般癡。  
局踏登場。技莫施。胸次雖寬。容物少。腳跟稍定。  
怕人移。兒童戲爾。全無覺。牛馬呼卿。亦不辭也。  
算英雄。遭末路。空勞。強說鬚眉。紛紛盡是。  
藐然。身海內。昂藏。見幾人。大抵有揚先。有抑誰。  
云。能屈不能伸。神仙豈易超。凡界驅殼。終須委。  
俗塵。何必恥爲長樂老。安心俯仰百年春。黃

耐冷譚

五

奴休道沒心肝。利鑽名纏。解脫難。佛法圓光無。  
望礙。詩入傲骨。總單寒。但存萬物皆空。想當作。  
三生。如是觀。滾滾紅塵。多踏蹬。教他鎮定。音

團。

桐鄉汪氏其寄籍秀水者。科名獨盛。雲壑殿撰之。  
弟筆山先生。嘉慶己未進士。由編修擢侍御史。  
以言事改刑曹。復歷九卿。屢尹京兆。俱以直聲。  
結。主知。迨身當事。權奮厲。率屬以廉勤報。

國。以惠愛撫民。卒由盡瘁致疾。終於粵東藩。

署著有屨提居士詩集及散體文若干卷不知  
何日能付梓也其送費西壙給諫奉使中山  
云 聖皇綏藩維無間海內外顯忠固其存永  
永傳礪帶先生專對才璀璨珠落欵牙冠既巍  
峩臺省矜節概矧當直樞府鴻筆時無對旂旂  
出秦隴戈甲戢屯砦軍威赫斯揚治體見其大  
以之柔遠邗寧不論功最此邗夙恭順 寵命  
隆策拜山南與山北想見頌汪濊惟聞潢池瀕  
薄患在癰疥竭來奉 明詔勤事惜良帥誰歟

耐冷譚卷十二

六

職後勁克與事機會么膺極無虞曷若爾厥類  
竊惟梓鄉鄰尤望葺陸夫豈云俎可越謨告職  
所在知有籌海編長策垂刊頌

桐鄉鄭春翁

敬懷

隱於市者也酷嗜吟咏飲食常

作推敲狀所作旣多編爲帶草堂詩鈔予芟薙  
之而爲之序火葬歎云人死不入土久恐委溝  
瀆誰知更有慘于此忍心火葬到骨肉掩路埋  
齒仁政急慮其暴骨飽狸腹吁嗟火葬出異俗  
如此曷若將骨暴骨暴猶得全其軀焚如只存



軀一掬嗟乎兄弟本同枝父兮母兮更將我擲  
育乃竟忍心灰其軀哀哉何異遭殄戮雷霆罰  
之胡不速多少荒郊鬼爭哭題朱秀岩拂珊瑚  
季聯牀夜話圖云聽徹雞聲報五更清譚不倦  
見真情讀山樓畔一輪月輸與朱家好弟兄  
明月前身復後身二蘇友誼未曾渝天涯兄弟  
知多少話到聯牀有幾人

慈溪馮小宋進士瑒工詩善書尤精奕理於西湖  
寺中同寓三日別後不復見矣曾權石門縣訓

耐冷譚卷十三

七

導旋補江南知縣以不善事上官落職歸杜門  
著書不問人世事蓋今之賢士也其題施少峯  
廬山觀瀑圖云昔讀太白詩興爲廬山發道遠  
莫致之臥遊仍恍惚今觀施子廬山圖衆峯勃  
舉相委輸匡君一去長不返此中會有羣靈趨  
石磴林巒事事奇山腰瀑布千尺垂矯如神龍  
屬天降疾如駿馬下坡馳蜿蜒百折不可止  
帶霜華翠岩裏妙筆繪水兼繪聲歎欲喧厖疑  
在耳憶昨買櫂來嘉禾遲君剝啄相經過出門

四望盡原塋。捫葛攀藤與若何。把玩此圖才不厭。詩人拄頰時和見。懸流却待洗塵勞。春風春服珠璣濺。筆力矯健不肯作庸俗語。身後生計蕭然。其詩恐未必能付梓矣。

出化徐茂才

家仁

耿介不苟合。獨喜奇山水。有得

輒爲詩歌。著有竹溪偶存草。性愛竹。築別業於雙溪上。種竹萬竿。顏曰竹溪書屋。因以爲號。其自題有清宜雙澗濯俗情。此君醫之句。風趣可想見矣。暮秋晚渡雙溪云。不覺秋將盡。蕭疎景

耐冷譚卷十三

六

物涼。樹聲飛落葉。雁影冷斜陽。歸櫂雙溪碧。中流一塔黃。愛閒人獨立。月色已如霜。秋日晚眺。寄方少園云。郭外最清幽。斜陽一望秋。西風黃葉渡。野水白蘋洲。雲淡日將夕。煙深波欲流。故人應憶我。小立碧溪頭。七律警句如岳忠武王墓云。金牌尙下三軍淚。玉食偏忘五國城。秋感云。秋風破硯飢驅我。夜雨孤鐙冷逼人。漫與云。每聞勝境神先往。但見奇書闕卽消。俱極工整。

管芷湘庭芬

居海昌之路仲里。年才逾冠。詩筆甚



佳立夏日偕祝夢麟馬賦梅兩茂才散步。占云夕陽一抹挂林微。到處邨莊掩竹扉。濃綠滴衣禽喚客桑陰閒。煞野薔薇真後來之秀也。

金兼山先生室人李鳳聞其嫺吟咏僕輯桐溪詩述欲採其詩詢之令子向齋則家遭多故不常厥居已散佚矣丙戌夏其孫香波出伊叔立齋所書素箋見眎詩筆高渾脫盡脂粉之習蓋閩閣詩中所罕見者也白紵辭云高高白月明長空錦堂酣宴銀燭紅美人歌舞出吳宮纖腰宛

耐冷譚卷十三

九

轉妖且工新裁白紵合歡叢翠翹珠綴垂玲瓏當筵試舞妙不窮宛如游龍驚翩鴻花枝裊裊拂簾櫳輕雲欲度迴微風折腰流盼春色融光輝旋生四座中凝嬌欲進倚繡籠繁絃促管曲未終東方欲曙天濛濛百歲爲樂愁匆匆兼山翁贈內詩云雲鬢花顏世外姿兼工作字與吟詩則孺人不獨能詩且能書矣集名媚蘭軒贖稿今香波於里黨中尋訪而搜輯之亦賢子孫也。

同里姚樸人茂才

世爨

爲詩甚捷。頃刻千言。著有

讀我書齋稿詩以情勝。在唐人中於劉夢得爲  
近。惜予寄居百里外。有此美才。未能與之朝夕  
談藝也。晚歸云。綠陰深處柳芊芊。晚動歸橈水  
關前。回首煙雲迷古寺。鶻聲搖破夕陽天。端陽  
日晚步兼懷友人云。斜日欲西匿。晚鴉無數過  
蒲觴。幾家罷艾氣。一邨多之子。隔如許。余情憶  
若何。行行且子。漁艇遠聞歌。塞下山云市地  
黃塵天一涯。邊聲四起動胡笳。征人十萬橫磨  
劍。不斬樓蘭不返家。龍城飛將出雲臺。鹿角  
森嚴密不開。忽報健兒飛。匹馬三更生縛白。題  
來寄勞泉香如齋。昆季云。瓦屋東西結兩頭。居  
然二陸姓名留。山川靈秀歸詞苑。兄弟文章入  
選樓。帖愛羲之頻印可。詩吟白也自風流。浣花  
箋紙桃花樣。愧我題襟步玉鉤。

國初時禾中吳赤溟

炎

潘力田

樵章

分咏勝國時

事名日今樂府。自洪永至崇禎。每人多至百首。  
互相評騭。吾友徐春郊

織

亦有明史樂府數十



篇刻入春郊詩集。可補吳潘二公所未備。詩格亦相髣髴。嘉禾徵獻錄謂赤溟秀水人爲東籬野人之兄子。力田木吳江人。年十五寄籍桐鄉。爲諸生。國變棄去。隱郡城之韭溪。二公詩久已失傳。吾家尙存鈔本。俟稍有力。當與春郊詩合刻之。以供博雅者觀覽。今僅列春郊詩三篇。以爲嚆矢焉。高新鄭云。高新鄭。逐馮保。馮保逐不得。反逐高閣老。馮保奴濟何足憎。可怪宰相張江陵。君不見老監尙說高鬚子。行刺之事必無。

耐冷譚卷十三

三

此發顯陵云。襄陽已失承天。陷賊兵盡殺守陵。監特敕僞將發顯陵。誰其助之張郡丞。衆舉鋤。鋤欲開鑿。狂風驚雷忽大作。空中突出金甲神。手提金爪亂擊人。郡丞仆地口流血。一夜昏迷氣遂絕。吁嗟乎。不得其死。張聯奎死節。乃不如其妻。李公子云。李公子是精白子。父爲乾兒子。豪士年荒散粟數千石。忌者輒誣其通賊。身陷囹圄。禍不測。劫牢出投賊營。營中稱爲仁義兵。兵敗。竟絕李氏後。毋乃李精白之咎。

郊縣高知岩太守

三畏

守杭郡時善政浹人飢髓

後遷觀察去生平精時藝刻有四知堂稿予年三十猶沉淪諸生中先生作論文歌以示慨切敦勉學者皆可奉爲良箴焉宋生家學本淵源茗香有子吾欣然玉質瀟灑美少年論古譚今腹笥便卅歲屢點龍門額蹉跎空望瀛洲仙共羨逐鹿捷足先豈謂得魚轉忘筮我朝逸士遵時藝帖括已自前代傳王唐歸胡規模遠陶董金陳思力堅國初名家多遺編方儲王張

耐冷譚卷十三

五

復爭妍至今三江稱文藪武林耳熟尤多賢就中攻苦老逾綿星齋前驅後鹿泉緬君才富年方壯忍教中道任逶迤家本非貧親未老愛日惜陰莫稽延藏書萬卷買未足惜君愛博情不專眼高手生徒自苦溫故知新有真詮若禁體物競白戰貽笑空疎自棄捐若同鈔胥爭考據轉病訓詁滋拘牽願君勿存騎牆見願君勿蹈覆轍愆不隨浮言爭得失好從寸心恣窮研清眞雅正爲科律簡練揣摩是機權易而難兮難



復易解人可索。悟後禪勸君努力莫問天。自有  
隻眼認青錢。玉堂金馬承恩早。親在顯揚孝  
始全。嗟我弱冠泮遊後。坐負年華守寒壇。二十  
六宮春已老。椿蔭並萎恨終天。窮途頻效阮籍  
哭。石路重着祖生鞭。四旬傲倖未爲晚。風木空  
悲錦衣旋。祿不逮養官奚貴。三牲徒泣塚墓前。  
終身遺恨心版鐫。悔過不惜苦口宣。雷門布鼓  
班門斧到處。逢人自忘顛。是詩贈於戊午之春。  
越十年丁卯予始舉於鄉而先府君已不及

耐令譚卷十三

三

見矣。重闕公詩不禁淚零如雨。

耐冷譚卷十四

仁和宋咸熙小茗譔

烏程周中孚鄭堂定

漢人之詩如登山造極。溯水得源。見衆山如培塿。江河皆支派。後人雖竭力追摹。畢竟讓其高且大也。卽以婦人論。六朝至今二千餘年。閨閣之能詩者。實無其匹。如戚夫人春歌。烏孫公主悲愁歌。趙飛燕歸風送遠操。班婕妤怨歌行。迺健哀剛俱堪。直接楚騷。若唐山夫人房中歌。著作

耐冷譚卷十四

巍然。雖廟祠大章。亦出婦人之手矣。卓文君白頭吟。王昭君怨詩。旨厚詞清。直可與蘇李並驅。至盤中詩。出於蘇伯玉妻。迴文詩。作於竇滔婦。醜面詞。製於崔氏。特瓶古今未有之格。可謂人巧極。天工錯矣。惟蔡文姬胡笳十八拍。中多懈句。俚語亦間出毫端。下於漢魏數層。自是齊梁人所擬。

漢詩之佳者。直從葩經出。不從楚騷出。郊祀如詩之有頌。房中曲如小雅。而鼓吹。鐃歌。則風矣。



雖周詩質。漢詩奧。奧稍遜。質然其奧。處正其不  
可及。處晉宋漸入於文。漸取清雅。言之文實。詩  
之衰也。

德清東鄉陳氏女。許嫁同邑國子生王謨。爲繼室。  
將婚而謨卒。女欲往奔喪。父母不能止。遂衰經。  
如王氏。旣至。撫前氏子成立。子亦能善事其母。  
守節至三十載。旌其門。吾友許兵部宗彥爲

之作傳。阮師芸臺宮保題以詩云。免絲附高松。  
所願保歲寒。一朝折秋風。飲此長恨端。童容未

耐冷譚卷十四

盈門。虞歌已前澗。同穴會有言。聊用謝親串。升  
堂治井臼。入室理遺衾。至今桓山雛。哀哉多古  
音。廟見始耐姑。勿貽禮經誤。古人重心。期寶劔。  
帶邱墓。許君書節婦。善善從其長。庶幾高愍女。  
同此千秋芳。

江蘇女史唐素。精於繪事。父病而貧。母亡。矢志不  
嫁。賣畫以養父。亦奇女子也。吳香竺刺史有題

其花卉卷云。泱泱吳江水。清光拭明鏡。淑女芳  
姿。腕然秉至性。失母誓守貞。樓居獨清靜。匪

曰愛孤僻。事父義尤正。清才軼凡艷。繪事領幽  
興。卽此寫生手。可當循陔詠。母亡父無偶。女  
在母有子。晨昏菽水養。艱難此十指。身如冬嶺  
松。孤標只自矢。心如秋籬花。無意鬪紅紫。古  
人厲風節。今俗習澆薄。豈知名教地。謹持在閨  
閣。卓哉孝女行。萬古日星灼。翰墨特餘技。亦足  
式俗學。從來軼世才。根自性命託。我吟五字詩。  
警人代木鐸。

僕嘗謂松江有二異人。一爲明末之唐仲言。

汝詢

耐冷譚卷十四

三

五歲而瞽。每令一人讀書。坐而聽之。卒以詩名  
家。一爲國初之蕭芷涯。詩家貧落魄。爲梓匠

以自活。運斤之暇。每喜讀書。清夜篝燈。諷咏不  
輟。文八學士有造之者。未嘗一見。見則必掾斧  
斤。因名其集爲釋柯。仲言編蓬集。子及見之。芷  
涯之名。人鮮有知之者。惟王阮亭香祖筆記載

蕭詩字芷涯佳句有云。遼海吞邊月。長城鎖亂  
山。山寺梅花傷別易。天涯芳草寄愁難。二聯近  
閱金山丁霽堂漑餘吟草。有題蕭山人詩釋柯



集是松江已有傳本矣。已卯秋予於杭城書攤得南村草亦署曰芷涯蕭詩詩止六七十篇筆意高淡定爲晚年之作。豈卽釋柯集之一種歟。抑別有釋柯而此爲晚年所定之集歟。侯訪霽堂再問之。今先錄南邨草詩以存梗概。臨高二首云。行行出梵剎。乃登百尺邱。日暮鳥聲急。更覺雲林幽。落葉弄返景。青山天外秋。曠懷攬無際。朗吟繼清謳。臨高望西嶺。野水帶邨曲。清磬出深林。悠然澹無欲。回顧興遠懷。伊人在空谷。一笑獨回首。夕陽滿茅屋。冬日送李樗翁云海。水何渺渺寒雲自茫茫。仙舟鼓蘭橈。夫子歸故鄉。把袂爲別中。情更難忘。搖曳片帆去。清波浮日光。

崇明施樸齋

彥士

作海運議大旨言漕河不利

明人壅河以爲漕而漕政壞卽避河以利漕而

十字河以下卒不可避而河亦卒不可治然則

避河之衝而別開新河泲河及新舊河以遠會

通何如古人海運成法而河與漕兩無不利其

間有四便三無疑收五大利之說灑灑數千言  
真能達其所見未又言瀕海數千里北極遼海  
南薄青齊潮汐所至淤爲沃壤誠能師虞集徐  
貞明之意廣近年霸州豐潤營田之制大開水  
利一如江浙圩田募丁屯種十年之後倉儲自  
裕并江南偏重之賦亦可量減尤徵卓識其所

作海運紀行詩亦有唐人風格過成山云破浪  
才三日成山望忽開同舟遙指點振舵轉頭來  
螺髻雄峯峙龍鬚積石堆海螺龍鬚二島東西相望

耐冷譚卷十四

五

逕過威海夜鳴雷之緊守風云不入之罌島那  
堪波浪掀峯巒開一面風雨鎖重門檣影迷荒  
戍人煙認遠郵定知山外舶呵護禱神煩其姪  
作舟從叔領運作萬里歸颿圖自題集唐五律

三十首語語都如已出一門風雅更不易得

桐鄉陳太華廣文

其德

別字松濤居幽湖里生平

講程朱之學言動不苟著垂訓樸語一書語語

切實可法可師惜不能與楊園先生同俎豆於

夫子廟庭外也錄其趁早歌五首云讀書須趁



早讀書不趁早。後來徒悔懊。精力本易衰。光陰如電掃。見人享榮華。自己惟嗟老。孝順須趁早。孝順不趁早。高堂容易老。目盲盡吾歡。救水承顏好。一旦恨終天。珍羞總虛渺。積善須趁早。積善不趁早。趨向已差了。念念貴操持。時時宜探討。方便在寸心。陰德只嫌少。作家須趁早。作家不趁早。終身怎能了。俯仰俱吾事。衣食原非小。平生無料理。垂白徒苦腦。教子須趁早。教子不趁早。大來多顛倒。舐犢真可憐。佑啟

耐冷譚卷十四

六

非草草蒙養是聖功。琢磨全在小。

西湖僧智能。母老養於寺。凡廁浣滌之事。皆代母爲之。小顛嘗誦其詩云。濁酒渾漿丐一杯。歡顏但博阿孃開。看孃微醉扶孃睡。不敢溫經獨坐陪。真孝子也。

桐鄉惠雲寺雙塔。建於周廣順嘉慶庚辰。童子于塔探雀。得一匣。則宋紹興間塔因雷損。僧德求重修。并刺血書經以保母姚氏。墨書諸經以爲民祈福。今藏寺中。柞溪沈莊庵。錄有詩云。六百

年阿護。雙封塔影圓。天教童假手。僧託佛多緣。  
保母見純孝。爲民求有年。炷香一披誦。懷古倍  
殷然。葑庵爲曉滄。明府之叔。嘉慶戊辰登副榜。  
長於詩。著有夢瀛齋詩稿。年未五十而卒。

僕嘗借葑庵咏湯婆竹夫人二詩。葑庵作賦。恂  
雅無佻。縛之習錄之云。阿婆堅性獨殷勤。斟酌  
寒暄到夜分。煖老有情深。若水燿懷無夢蕩。爲  
雲添來簫局香。初透借入甜鄉酒。半醺憑藉熟  
腸消。妬念拂衾燕玉也同羣。桃笙紙張竹方

耐冷譚卷十四

七

牀好助良人。一味涼真不抱衾。還視夜清纔卻  
扇。已專房青奴小字嫌。唐突綠氏芳名借較量。  
不染。嘸痕沾汗點。蕭蕭同夢醒來香。

錢武肅王鐵券予曾於台州見之。龍簡未之見也。

錢需吳江縣志續編云。崇禎七年夏大旱。太湖  
底圻。簡郵居民淘得鷺眼錢一脰。錢武肅王投  
水府龍簡銀牌一道。文曰大道弟子天下都元

帥尙父守中書令吳越國王錢鏐年七十七歲

二月十六日生。自統制山河主臨吳越。民安俗



阜道泰時康。市物平和。遐邇清宴。仰自蒼昊。降  
祐大道。垂恩今則。特詣洞府名山。遍投龍簡。恭  
陳醮謝。上荅元恩。伏願合具告祈。兼乞鏐壬申  
行年。四時履歷。壽齡遐遠。眼目光明。家國興隆。  
子孫繁盛。志祈元祝。允協投誠。謹詣太湖水府。  
金龍驛。傳於吳越國蘇州府吳縣洞庭鄉東阜  
里太湖水府告文。寶正三年歲在戊子三月丁  
未朔二十六日壬申。投案武肅王投龍簡事。不  
見他書。僅見錢氏續志。而海鹽張芑堂徵君金

耐冷譚卷十四

八

石契中有縮本。能正錢志庚申行年之誤。衍之  
王秀才秋海有武肅王銀龍簡文拓本歌云。有  
客長歌龍簡文。歌成索我相和賡。白金爲質重  
甘兩。阿護幸成拓本精。瘦硬通神見腕力。斑駁  
澆墨含瓊瑛。紀年寶正歲戊子。昭告太湖杼精  
誠。龍文投入老蛟窟。漁翁網得時代更。流傳好  
事日欣賞。慨想越門妖鳥鳴。風雲際會八百里。  
破巢滅董塵奇兵。東南半壁資保障。功高鐵券  
恩寵榮。英雄老去默祈佑。備求眼目生光明。此

簡實通蒼。吳意宜綿。四世守忠。貞洞府名山。投  
已遍東皇里。况與國鄰。吾生嗜好。在金石此文。  
入手尤足珍。表忠觀碑。倘兼致古香。硯席看縱

橫

嘉興武秋樵

承烈

閉門卻掃爲詩自娛。所著秋樵

詩鈔。高潔澄澹。多言外之音。徐雪廬翰博比之。  
明人邊華泉高蘇門洵不誣也。登陳山云海潮。  
挾山飛躋。攀心恍惚。足底雲往。還苔痕沒。山骨。  
椽栗墮。秋聲虛籟。徧林樾。不見采薇人。龍湫空。

耐冷譚卷十四

九

夜月同湯雲。郵登三清閣。云疎雨歇。秋林西風。  
響叢薄。楓葉紅幾。郵寒煙飛漠漠。農家刈稻了。  
歲熟雞豚樂。偶來踏野雲。會心隨所託。晚磬一。  
聲鳴。更與登高閣。其五七言佳句。如涼蟬經雨。  
歇。病葉得秋多。衆壑分春澗。孤城背夕陽。竹深。  
天易夕。窗破月先明。荷花隨雨落。水鳥帶煙歸。  
春晴禽語亂。山午樹陰圓。霞蒸春水漲。雲放別。  
邨晴。春草云曾經。夜雨香生岸。不畏春寒綠。過。  
城淮南歸舟云。江心帆影。挾山走船底。秋潮送。



客來春日遣興云。飲酒正宜春雨夜。看山無過雪晴天。尋諷數過齒頰生春。

婺源江明府

之紀

號石生。爲抱經學士入室弟子。

通經博古於詩尤長。以名孝廉出宰江南。非其志也。近爲予題味三味齋著書圖云。勲名無時難倖。致文章小技未爲貴。男兒墮地作儒生。惟有治經是正事。其餘子史百家言。博叅亦足生神知。卓哉武林小蒼翁。一生惟識書三味。義文遺策得真詮。汲冢夏時究精義。銅瓶鐵研冷如

耐冷譚卷十四

十

冰萬卷琳琅貯胸次。有時縱筆爲詩文。霞卷雲舒任遊戲。明湖煙月瀾江潮。都爲先生助清思。抱經學士是吾師。童年已蒙誇國器。豈知瓠落卅餘年。到今祇作風塵吏。遺書頓君重校勘。傳聞令我心增愧。何時來過草元亭。飽聽揚雄說奇字。

海昌陳叟者。流寓吳門。習雕琢。更能出己意。以擅

木鏤像對坐奏刀。鬚眉畢肖。亦神伎也。古芸舍

人曾出其所製。屬同人賦詩。應秀才笠湖時良

爲作長歌云。男兒若不心肝有面目。雖真亦木偶。行尸走肉。徒紛紛。何異瓦雞與芻狗。我與舍人心相知。平生竊願金鑄之。竭來訪舊荷欵洽。急出小像催題詩。非繡非繪非搏土。一尺雕檀姿樸古。鬚眉畢現神宛如。想見良工用心苦。秦刀者誰翁姓陳。有技如是技亦神。妙手直欲化工奪。誰云人巧輸天眞。或謂其術近遊戲。縱肖形模乏生氣。豈知藝可與道通。非有心人器焉利。况乎大地本戲場。一般竿木相奔忙。笑嘍坐。

耐冷譚卷十四

十一

是僞狀。貌裝點。豈卽眞文章。何如此像翻本色。不笑不言情默默。非仙非佛兩忘形。惟我與君解相識。吁嗟乎木果可雕木勝金。現身說法彷彿觀世音。古來虎頭燕領奇相亦終朽。不如干劫不壞此木堅。多心笠湖與梅坪。同以詩鳴。少俗稱爲海昌二妙。今梅坪已死。笠湖猶沉淪。諸生籍中。未二言。殆自抒其不平也。

笠湖有弟

天垣

詩才亦佳。曾於古芸齋中與之一

面。年未四十。以疾廢。其夢羅浮山館詩畧。笠湖



選定之梅花云。籬落一枝春。偷然遠俗塵。有根皆偏強。無雪亦精神。仙骨問誰匹。冬心抱白眞。巡檐頻索笑。相對晤前因。品於羣卉重。香到一心清。徹骨寒如此。仍無世俗情。豈儂堪作友。非爾不呼兒。鐵石腸誰是。狂吟憶曠平。遊子吟云。西風吹落葉。依依戀舊枝。遊子去故鄉。愴惻摧心脾。江水何潺潺。春草何歲蕤。行李戒僮僕。門外嘶班騅。妻孥念殷勤。作黍復烹雌。食之不下咽。轉覺腸中飢。堂有白髮親。臨別問還期。傷知浮雲有聚散。春暉無盡時。

耐冷謹卷十四

十三

哉。游子心含淚。不敢垂。舉頭觀浮雲。衷懷誰能。詩須有關風教。不可徒作風雲月露之詞。選詩者亦當存此意也。金山丁漑餘司馬前得其不全詩藁二卷。草草採擇。未能盡其所長。今閱全集。有題王遂樓太守朝恩田集蠲渠圖一篇。事既足傳。詩亦超拔。因補錄之。沂州刺史瑯琊王起家州判。始太行宦途卅載。多樹立豐功。首數誅白羊。白羊渠魁張建木。野心狼子嗜屠戮。生平

殺人難悉數。到處郊原聞鬼哭。厥堦馬朝棟。狡  
焉一巨寇。聚黨田豕集。與張寔左右。從來先發  
能制人。刺史用兵。擬若神。下令捕賊。掃賊穴。縛  
賊不異縛豕豚。兩姦授首。遺孽竄四。而網張足  
妙算擒賊之黨。併賊妻。忍令賊兵重。兆亂長垣  
曹滑俱被屠。定陶亦子爲賊俘。鉅野一城屹不  
動。保全端賴王大天封章入奏。天顏喜。詔書  
特下。誇不已。拔自縣令官治中。三載高遷。至刺  
史。蒼生額手呼爺翁。微公民盡落虎牙。寫公入  
野縣境也。

耐冷譚卷十四

三

金山吳厚齋

敦宗

漑餘舅氏也。隱居長柳之南。名

列銓曹。不樂仕進。平生所蘊。一見之於詩。所著  
鞠隱居遺鈔。直追古人。無淫靡佻巧之習。近日  
九峯三泖間。多能詩者。大半奉公壇坫。否則亦  
聞風而興。起者也。其吳越王鐵券歌云。范券金



臣無心晉券銅臣不忠天祐之券券以鐵石爛  
海枯表臣節龍虎筭形弓矢珠排字金作紙泰  
華之山黃河水有罪有罪兮赦九死將軍之功  
莫大是君君臣臣父父子子永遠貴昌並皆如  
此後來廣志宣義正節振武在青史卽陳敬瑄  
安足比吁嗟乎天護神物數百秋湖波不竭蛟  
龍愁當年父老拜旄頭羅平妖鳥鳴啾啾鐵非  
六州錯券定萬古雷何必千金改詩句一劍霜  
寒四十州天子曰賜汝鏐陳忠裕公畫像云不

耐冷語卷十四

古

見忠臣心但見忠臣形形存心不死炳耀垂丹  
青朝廷不相黃石齋如公肯放登上台殺降竟  
斷許都首清夜捫心呼負負豎子福王何足輔  
寂寞丹心照千古故人已逐彭咸游七尺忍貽  
知己羞入水不死死死亡國破英雄以身殉百  
年胥水颯英風史筆畫筆兩貌公憂虞此日猶  
見色晉公鬢爲論兵白

語溪吳舜舉

子臯

邑諸生詩文俱有妙悟然境極

貧性極傲嘗遇大雪終日不舉火有至戚聞之

輸之粟日明日束修來米可得忍一日餓何害  
力却之中年後遇益困憤悶益深或不食而縱  
飲因之得疾卒卒時取其詩文彙盡投之火曰  
無貽後人口實也其狷介之操實不可及周小  
癡有哭舜舉詩錄之藉以存其人云延陵居士  
腹便便雞犬圖書共短椽積恨時看三尺劍長  
貧不愛一囊錢生前傲骨猶難識沒後奇文孰  
與傳歎惜吉光無片羽投之一炬更淒然

李金澗明經藏有竹垞太史爲兩孫析產券清風

耐冷譚卷十四

七五

李儉德可爲世法券云竹垞老人雖曾通籍父子  
止知讀書不治生產因而家計蕭然但有瘠田  
荒地八十四畝零今年已衰邁會同親族分撥  
付桂孫稻孫分管辦糧收息至於文恪公祭田  
原係公產下徐蕩續置蕩七畝併荒地三分均  
存老人處辦糧分給管墳人飯米孫等須要安  
貧守分回憶老人析箸時田無半畝屋無寸椽  
今存產雖薄若能儉勤亦可少供饋粥勿以祖  
父無所遺致生怨尤倘老人餘年再有所置另



行續析。此昭康熙四十一年四月日竹宅老人書。稻孫田地數。吳江縣田一十八畝五分。馮家村田一十畝四分五厘。婁家橋田三畝七分。又史地五分。馮子加地六分五厘。婁家橋墳地三畝六分。屋基池地四畝四分五厘。通共四十一畝八分五厘。見析徐尚賢盛黼宸錢又持有舟。守臣。辰始襲遠。太占鴻硯。周旅嘉中。又古芸頻。伽皆有詩嘉興馬澹于汾作一詞調寄八聲甘

州云。只叢殘一紙。抵家箴遺墨。閨星霜。蕭然貧。

耐冷譚卷十四

十六

宦無多負郭。書秀分將大好。文孫競爽耐得澹。齋黃想見垞南。垞北。瓦屋斜陽。并少金雷諛墓。但關門苦守。絮語家常。潮蓬山舊事。回首太茫茫。幸當年青蓮交契。有後昆。隻字寶琳瑯。還驚喜風花寒食。未替杯漿。

董思翁有手書鬻田券。可與朱太史析產券並傳。

券云。十二保田壹百畝。收銀四百兩。此田貳房。

第三孫爲永業。八年七月十九日思翁。今日已。

屢易主。置產者必欲得其原券。亦千秋韻事也。

吳香竺刺史曾見之。紀以詩云。百畝易得銀四  
百。如假許田以鄭璧。祖孫授受本一家。書券不  
被他人拏。山谷租驢顏乞米。古人緩急皆一體。  
此田輾轉易。幾人此券流傳。墨尙新。

安徽女士魯敬莊適南豐湯確亭。確亭本長於詩。

擘牋分韻。極閨房之樂。予嘗得其所畫山水蘭

東石生氣遠出。亦非調朱殺粉者可比。著有墨雲

軒詩稿。題畫云。水光一碧寫青天。野渡荒邨柳

拂煙著。個漁舟輕似葉。桃花紅到竹橋邊。送春

耐冷譚卷十四

七

云。春去花俱盡。春來又有花。只憐送春者。青鬢  
感年華。

東坡詩。游女長歌緩緩歸。自注。吳越王如春游。王

遺書曰。陌上花開。可緩緩歸矣。吳人用其語作

歌。予始謂武肅此語。非深于詩者。不能道後閱

董斯張吹景集云。吳越備史。錢鏐有嬰蘭堂詩。

宋時王之曾孫彭城郡王纂其宗門歌詩。作傳

芳集。今亦散佚。僅存吾家宣獻公一序。謂王天

姿英爽。衆藝畢給。卓犖稽古。感慨發中。爲之聲



詩以類志氣。近吾友錢梅溪補輯傳芳集得  
王詩十六首。不識采自何書。而卷首還鄉歌一  
篇。見於歐陽五代史。節去四句。愈覺古質。王之  
能詩無疑。王尚書香祖筆記。謂武肅王目不知  
書。豈未見五代史也。  
柔桑感陽風。阿那嬰

順德張雲巢都轉宰吾邑時。惠問川流。今主長淮  
醜政。處澗不肥。清况如昔。長官中所難得者也。  
生平愛才如命。鍾半人周梅坪馬古芸皆其詩

耐冷譚卷十四

六

弟子。其題半人詩鈔云。東海鍾嶸在。詩才邁等  
倫。立名兼砥行。多病又長貧。君乃真無告。天何  
困此人。一家猶八口。珍重苦吟身。君才今李  
白。舉世孰汪倫。未死猶非病。能詩不是貧。起衰  
真健者。當代幾傳人。著作千秋業。相期富等身。  
題古芸松泉清聽圖云。入耳冷然善。天風何處  
生。絕無塵事擾。祇益道心清。萬壑松濤合。千潭  
水月明。繪聲憑妙手。磨詰畫中情。

沈上舍

愛蓮

號遠香居嘉興之梅會里年十三從

吾友畢晴瀾遊過日輒成誦試以韻語發音已  
自清亮今年春訪晴瀾於梧桐溪上呈以近作  
已得成家蓋年甫逾冠也晚出南湖懷醉石丈  
云晚晴高興發。熾權向湖沙。夕景明殘雪。寒林  
落斷霞。伊人隔春水。何處折梅花。今夜南湖月  
論文願獨賒。長水道中卽目云片颿衝破水雲  
昏細雨人家掩竹門。稻把已收霜菜老。一番寒  
事過江邨。小除夕答汪謝云雨雪不知住。病餘  
惟掩關。安心是良藥。閉戶抵空山。春泥深巷滑。

耐冷譚卷十四

九

竹屋夜鐘閒。歲晏多離思。詩筒藉往還。爲鉏雲  
司馬題畫次松壺韻云。碧花紅穗寫來幽。尺幅  
生綃寄遠愁。一段荒寒吟不出。夕陽滿地草蟲  
秋。題鉏雲集云。流雲生霽景。殘雪猶在地。一卷  
朝坐飯。沈吟長霞思。春煙舒淡姿。冬木挺寒翠。  
掩卷問妙香。何處梅花氣。

香山九老中年八十二者。祇有兩人。予所見乾隆  
朝名人。梁山舟學士年至九十三。王蘭泉少冠  
年至八十三。錢竹汀宮詹年至八十二。段茂堂



周松藹兩大令俱年過八十。近時所交老友吳縣潘榕皇農部年已九十一。海昌張荔園教授年已八十八。富春周竹厓司訓年已八十七。桐鄉孫古杉茂才年已八十三。皆尚健在。行走不須扶杖。熙朝壽考作人之化。鍾於耆儒前代所希有也。

榕皇荔園古杉三君子俱有集刊行。竹厓吟咏甚少。官桐溪時僅記其爲徐烈婦作一詩云。陸氏多名媛。曩傳殉有梁。莊有梁妻陸氏夫亡視舍殮畢卽自縊死見縣志

耐冷譚卷十四

二

百年誰繼軌。一姓共留芳。結髮歸東海。持家屏艷粧。豈惟潔蘋藻。無愧匹鸞凰。半壑門材舊。人

爲詩人芥庵先生之女半壑共園名也深閨母訓彰。鹿車期共挽。

鴻案正相莊。二豎爲災厲。三冬急禱禳。何圖驚賦鵬。竟爾失騰驤。死已甘同穴。生寧稱未亡。朱絲堪畢命。紅淚尙盈眶。若把悲哀釋。難教婢媪防。霎朝身可賈。奕禮骨猶香。丹旆同時舉。黃泉攜手行。千秋屬臣節。弱質植倫常。詩筆慚蕪雜。

貞心宜闡揚。竚看天寵錫。綽楔耀宗祊。

嘉興朱雪君學博嘗說經鏗鏘詩亦有唐人架獲

其題施少峯宿草吟云語溪鄉中有高人迥如

白鶴離風塵獨將松竹契高節曾誦莪蒿痛鮮

民謂紀哀詩集端居抱影衡門下歎息知交漸希寡

爲數平生縞紵歡難忘夙昔金蘭雅弄月嘲風

紀勝遊論詩讀畫儘勾留蕭疎舊雨驚孤枕斷

續賓鴻度小樓遂中頻奏山陽曲真意殊能砭

流俗白楊齋畔不勝秋衰草墳頭幾回綠把菊

誰言三徑荒但餘落月照檐涼江雲滑樹時相

耐冷譚卷十四

三

繫白犬丹雞矢不忘短歌欲寄愁千斛諛墓金  
多不能鬻墜葉飄零夢作煙生芻憑弔人如玉

我憶論交二十年無緣把袂覺淒然開編已識

君交誼更詩亭雲佳咏傳即用集中玉琮琤詩韻

海昌詩人盛於龍山查氏予與交者南廬伯葵近

更得春園別駕有新春園吟稿讀之別駕詩無

體不佳阮宮保師謂其於自然渾成處激爲警

策真篤論也虹橋晚泊云風雨斂斜暉扁舟泊

釣磯水清濯苔髮橋古挂藤衣鳩婦投巢急鳥



卿去影微濕雲墮如塊蓬背閣還飛先生集已  
風行海內不待表揚嘗鼎一臠亦當其知其美  
也

吾宗樗里先生

榘

居海昌之北郭隱於市酷嗜爲

詩生平所作已得二萬首有奇刪存百中之二  
因名雞窗百二藁其詩直抒胸臆全以真氣往  
來錄存一篇聊見梗概秋陰云涼颼颼然起落  
葉滿荒林白日看欲晚浮雲忽釀陰江湖生遠  
思天地入秋吟偃蹇小山桂何愁霜雪侵

